

Մ. Գ. ՆԵՐՍԻՍՅԱՆ

(Ծննդյան 70-ամյակի առթիվ)

Իրացավ ՀՍՍՀ ԳԱ ակադեմիկոս, պատմական գիտությունների դոկտոր, պրոֆեսոր, գիտության վաստակավոր գործիչ Մկրտիչ Գեղամի Ներսիսյանի ծննդյան 70 և գիտական գործունեության 50-ամյակը: Անվանի պատմաբանը արդեն շուրջ կես դար է, որ կատարում է գիտահետազոտական արդյունավետ աշխատանք, հարստացնելով սովետական պատմագիտությունը հայ ժողովրդի նոր պատմության հորցերին նվիրված արժեքավոր ուսումնասիրություններով:



Մ. Ներսիսյանը ծնվել է Երևանի ճանապարհի Աշտարակի շրջանի Փարպի գյուղում: Սկզբնական կրթությունը ստացել է ծննդավայրում, ապա սովորել Երևանի Խ. Աբովյանի անվան միջնակարգ դպրոցում: 1927 թ. ընդունվել է Երևանի պետական համալսարանի պատմա-հասիրական ֆակուլտետը, որն ավարտել է 1931 թ.՝ ստանալով պատմաբանի մասնագիտություն:

Դեռևս 1930-ական թթ. սկզբներին երիտասարդ պատմաբանը հրապարակեց մի շարք աշխատություններ Հայաստանի և Անդրկովկասի հեղափոխական շարժման պատմության վերաբերյալ: Այդ շրջանում նա լույս ընծայեց հոդվածներ ու գրքեր Ստեփան Շահումյանի, Բաֆլի կամունայի, Մալխյան ապստամբության, Հայաստանի 1918—1920 թթ. տնտեսական ու ֆաղափական դրության մասին և այլն: Պրոֆ. Կ. Ղազարյանի նետ միասին Մ. Ներսիսյանը կազմել է «Առաջին մասսայական հեղափոխական շարժումները Հայաստանում» փաստաթղթ-

րերի ծավալուն ժողովածուն, որը լույս տեսավ 1932 թ.:

Հետագա տարիներին Մ. Ներսիսյանը զբաղվեց XIX և XVIII դդ. պատմության խնդիրներով: 1939 թ. նա պաշտպանեց քեկնածուական դիսերտացիա՝ «Նաբոգնիկական խմբակները Անդրկովկասում 1870—1880 թթ.» թեմայով: Այդ ըստ ամենայնի հետաքննիչ և արժեքավոր ուսումնասիրությունը, որ լույս տեսավ 1940 թ., նոր և կարևոր խոսք էր սովետահայ պատմագրության մեջ: Հեղինակը, առաջին անգամ հատուկ ֆննդարկման ենթարկելով հայ նաբոգնիկության հարցը, հիմնավորապես հերքեց բավական տարածում գտած այն տեսակետը, թե հեղափոխական նաբոգնիկությունը օտար երևույթ է եղել Հայաստանի և Անդրկովկասի համար: Հենվելով արխիվային նյութերի և այլ աղբյուրների հարուստ տվյալների վրա, Ներսիսյանը ցույց տվեց, որ 1860—1880 թթ. Անդրկովկասի հեղափոխական տառաստիհան (ոսղոնջին) մտավորականության մի մասը գործունե մասնակցություն ունեցավ համառոտական հեղափոխական իրադարձություններին և որ դեմոկրատական երիտասարդ սերնդի հենց այդ թևի ներկայացուցիչներն էին, որ ընդգրկվեցին հեղափոխական նաբոգնիկական շարժման մեջ՝ ինչպես Թբիլիսիում, Ռոստովում, այնպես էլ Մոսկվայում, Պետերբուրգում, Կիևում և Ռուսական կայսրության մյուս ֆաղափներում:

Աշխատության մեջ բերված են հետաքննիչ տվյալներ հայ նաբոգնիկների կյանքի և հեղափոխական գործունեության, նրանց հայացքների ու ծրագրերի մասին: Նկատենք, որ վերջին ժամանակներս մի շարք հետազոտողների կողմից կատարված արխիվային պրպտումները (օրի-

նակ. Ա. Գ. Տերեշչենկոյի «Նորնախկնական հեղափոխական նարոդնիկական շարժման մեջ» հոդվածը, տե՛ս «Պատմա-բանասիրական հանդես», 1975, № 4), հայտաբերելով նոր տվյալներ հայ նարոդնիկների վերաբերյալ, լիովին հաստատում են Մ. Ներսիսյանի տասնյակ տարիներ առաջ գրված աշխատության քննարկում ու եզրակացությունները:

Պրոֆ. Մ. Ներսիսյանի գիտական աշխատությունների մեջ զգալի տեղ են գրավում այն ուսումնասիրությունները, որոնք նվիրված են հայ ժողովրդի ազգային-ազատագրական շարժման պատմության հարցերին: Պատմաբանն իր «Հայ ժողովրդի ազատագրական պայքարը բուրժուական բռնապետության դեմ 1850—1870 թթ.» մենագրությունը որպես ղեկավարական դիսերտացիա նախընտրումը պաշտպանեց դեռևս 1946 թ.: Այդ ծանրակշիռ գիտական հետազոտությունը, որը լույս տեսավ 1955 թ., ոչ էիշ ղժվարություններ հաղթահարելուց հետո, աչի է քննում հարցերի խորը, բազմակողմանի քննարկմամբ, նոր և համարձակ մտերով ու եզրահանգումներով: Իր այս աշխատության մեջ հեղինակը վաստական հարուստ նյութի հիման վրա հանդամանորեն պատկերում է արևմտահայության ծանր կացությունը XIX դարի 50—80-ական թթ., շատերում նրա հերոսական մահառումը, ազատագրական շարժման ընթացքը, բացահայտում է այդ շարժման կապերը հարևան ժողովուրդների հակասուլրանական ընդլվումների հետ, հայ ազատագրական պայքարի սոցիալ-դասակարգային բովանդակությունը և շարժիչ ուժերը, արևմտյան պետությունների ռեակցիոն, հակահայկական դիրքորոշումը և այլ հարցեր: Վնոականորեն ժխտելով հակազիտական այլևայլ «տեսություններ», Մ. Ներսիսյանը համոզիչ, անվիճելի վաստերով ցույց է տվել արևմտահայ ազատագրական շարժման ինքնաբույս, ժողովրդական-համազգային բնույթը, նրա զաղափարախոսության առաջադեմ և դեմոկրատական էությունը:

Առանձին ուշադրության արժանի է այն հանգամանքը, որ 1940-ական թթ. կեսերին ստեղծված այդ կապիտալ գործում տեղ չեն գտել գոնեիկ սոցիալոգիզմի «օրթոդոքս առաքյալների» տեսակետները: Մերժելով դրանք և ցուցաբերելով գիտական օբյեկտիվություն Ներսիսյանը նիշտ դիրքերից է լուսաբանել մեր ժողովրդի պատմության այդ շրջանի շատ հանգուցային խնդիրներ, որոնց րվում էափայել Պատկանլանի, Բաֆու, Գ. Արծրունու, Գ. Սրվանձտյանի և մյուսների առաջադեմ դեմոկրատական զաղափարների գնահատության հարցերը: Սխալ չի լինի երե ասենք, որ պատմաբանի այս աշխատությունը գիտական մի սխառն էր՝ ձողված քարացած դազմադիզմի այն գոնեիկ «տեսություններ» դեմ, որոնք իր ժամանակ ստեղծվել էին ղողափող պրոբլեմի ղողըր և տակավին չէին հաղթահարվել: Ներսիսյանի մենագրությունը ամենայն իրավամբ բարձր գնահատականի արժանացավ ինչպես հանրապետական, այնպես էլ կենտրոնական մամուլում (ՀՍՍՀ ԳԱ «Տեղեկագիր», «Вопросы истории», «История СССР», «Советское востоковедение» և այլն):

Մ. Ներսիսյանի «Հայ ժողովրդի ազատագրական պայքարը բուրժուական բռնապետության դեմ» ղոկոռական դիսերտացիան փաստորեն սկիզբ դրեց արևմտահայ ազգային-ազատագրական շարժման գիտական ուսումնասիրության գործին սովետահայ պատմագրության մեջ: Այդ խնդրի ղողըն այնուհետև հանդես եկան նրա ղեկավարությամբ աշխատող մի ղարբ երիտասարդ գիտնականներ, ապա ուրիշ պատմաբաններ:

Նշված մենագրությունից բացի Ներսիսյանը գրել է հողվածներ Ձեյրունի 1862 թ. ապստամբության, արևմտահայերի կոտորածների, հայ ազատագրական պայքարի հերոս Անդրանիկի և հարակից այլ հարցերի մասին: Նրա առաջարկով ու խմբագրությամբ 1966 թ. լույս տեսավ «Հայերի գեներղըր Օսմանյան կայսրության մեջ» փաստաթղթերի կապիտալ և ղատ արժեքավոր ժողովածուն, ուր ամենայն մանրամասնությամբ ցույց է տրված ղուլքան Արղուլ Համիդի և երիտասարդ բուրերի՝ մասսայական կոտորածների արղունոտ քաղաքականությունը արևմտահայերի նկատմամբ: Ժողովածուն, որ պարունակում է բազմաթիվ նորահայտ արխիվային փաստաթղթեր և կարևոր այլ նյութեր, մի անհերքելի պատմական տարեգրություն է բուրբ ղարղարարների անասելի ջնրագործությունների և արևմտահայության մեծ ղղբերղության մասին:

Մ. Ներսիսյանի գիտական ուսումնասիրությունների մի մասը նվիրված է հայ-ղուսական պատմական կապերի ու հարաբերությունների պրոբլեմին: Դեռևս 1944 թ. լույս տեսավ նրա «Ա. Վ. Սովորովը և ողու-հայ հարաբերությունները 1770—1790-ական թթ.» աշխատությունը, որը նետացայում, որոշ լրացումներով ու փոփոխություններով, հրատարակվեց նաև ոուսերեն ղեզվով: 1956 և 1961 թթ. լույս տեսավ Ներսիսյանի «Ռուս-հայկական հարաբերությունների պատմությունից» երկու հատորից բաղկացած հողվածների ժողովածուն (ողուերեն), որտեղ

ֆեննարկվում են հայ-ռուսական պատմական կապերին ու ֆաղափական հարաբերություններին վերաբերող մի շարք հարցեր: Այդ բեմաներին նա անդրադարձավ նաև հետագա տարիներին՝ գրելով մի շարք հոդվածներ, որոնցում մասնավորապես լուսաբանվում են Արևելյան Հայաստանի միացումը Ռուսաստանին և այդ ակտի պատմական նշանակությունը, հայ ժողովրդի ռուսական օրինենտացիան XVIII և XIX դդ., Դ. Վ. Դավիդովը Հայաստանում (1826 թ.), Օշականի նակատամարտը 1827 թ. օգոստոսի 17-ին, Նրևանի ազատագրումը ռուսական բանակի կողմից 1827 թ. և այլն: Ներսիսյանը զգալի գործ է կատարել նաև հայ-ռուսական հարաբերությունների պատմությանը վերաբերող փաստաթղթերի ճայանաբերման ու հրատարակման ուղղությամբ:

Առանձին հետաfrություն են ներկայացնում Մ. Ներսիսյանի ուսումնասիրությունները ռուս առաջին փառապանծ հեղափոխականների՝ ղեկաբրիստների վերաբերյալ: 1958 թ. հրատարակվեց նրա «Դեկաբրիստները Հայաստանում» մեծածեփ աշխատությունը, որի ռուսերեն բարգմանությունը լույս տեսավ 1975 թ.: Այստեղ հեղինակը, օգտագործելով արխիվային հարուստ նյութեր, վերականգնում է Կովկաս աֆսորված ղեկաբրիստների թիվն ու ցուցակը. ցույց է տալիս 1825 թ. հերոսների գործուն մասնակցությունը 1826—1828 թթ. ռուս-պարսկական և ապա՝ 1828—1829 թթ. ռուս-բուրժական պատերազմներին, այդ հեղափոխականների դերը Արևելյան Հայաստանը պարսկական խաների ու բեկերի ծանր լծից ազատագրելու գործում: Աշխատության մեջ բերված են հետաfrիր տեղեկություններ ղեկաբրիստների և հայ, վրացի ու ադրբեջանցի գործիչների կապի մասին, ինչպես նաև ցույց են տրված այն ջերմ բարեկամական հարաբերությունները, որոնք ստեղծվեցին Կովկասյան բանակ փոխադրված ռուս հեղափոխականների ու լեհ ապստամբների միջև:

Աշխատելով «Դեկաբրիստները Կովկասում» բեմայի վրա, Ներսիսյանը ճայտնաբերել է արժեքավոր փաստաթղթեր տվյալ հարցի վերաբերյալ: Հիշենք, որ նա առաջինը հայտնաբերեց ու հրապարակեց ղեկաբրիստներ Ն. Լաչինովի գրառումները Հայաստանի, Դ. Իսկրիկցու և Վ. Վոլխովսկու նամակները Անդրկովկասի, Ի. Բուրցովի զեկուցագրերը ռուս-բուրժական 1828—1829 թթ. պատերազմի մասին և այլն: Հատկապես պետք է նշել Ներսիսյանի «Նոր տվյալներ ղեկաբրիստների մասին» հոդվածը (տե՛ս «Պատմա-բանասիրական հանդես», 1975, № 4), ուր բազմաթիվ նոր տվյալների հետ մեկտեղ բերված են խիստ կարևոր տեղեկություններ Ուկրաինայում ապստամբած հայտնի Չեռնիգովյան զնդի զինվորների սոցիալական ու ազգային կազմի մասին:

Գիտական լուրջ ուսումնասիրություն է Մ. Ներսիսյանի «1812 թ. հայրենական պատերազմը և Կովկասի ժողովուրդները» աշխատությունը, որը լույս տեսավ 1965 թ. ռուսերեն լեզվով: Պատմական նոր փաստերի ու հարուստ նյութերի հիման վրա այս հետազոտության մեջ ցույց է տրված Անդրկովկասի և Հյուսիսային Կովկասի ժողովուրդների, Կովկասի լեռնականների, Կուրանի կազակների, կալմիկների մասնակցությունը ռուս ժողովրդի 1812 թ. համա-ժողովրդական հայրենական պատերազմին և բուրժ-պարսկական, ֆրանսիական ու անգլիական ղեկավար շրջանների ագրեսիվ հակառուսական ֆաղափականության ձախողումը Կովկասում: Գրքում բերված են մանրամասն և նշգրտված տվյալներ Նապոլեոն 1-ի բանակի դեմ մարտնչած կովկասցիների, ինչպես նաև պատերազմից տուժած ռուս բնակչությանը օգնելու նպատակով երկրամասում կազմակերպված նվիրատվությունների և այլ միջոցառումների մասին: Գրքում մանրամասնորեն ցույց է տրված կովկասահայության հայրենասիրական շարժումը՝ օգնելու Ռուսաստանին ընդդեմ ֆրանսիական ագրեսորների: Առանձնապես հետաfrիր են այն տվյալները, որոնք վերաբերում են Նոր Նախիչևանի ու Աստրախանի հայ բնակչությանը:

Պատմաբանը մի շարք արժեքավոր հոդվածներ է նվիրել հայ ժողովրդի պատմության XVIII դարի երկրորդ կեսի և XIX դարի սոցիալ-տնտեսական ու ֆաղափական հարցերին, հասարակական ու մշակութային գործիչներին: Դրանցից առանձնապես պետք է հիշել «Հայ կաթվորները ռուս-բուրժական 1787—1791 թթ. պատերազմում», «Հայաստանի սոցիալ-տնտեսական դրությունը 1860—1880-ական թթ.», «Աբովյանի առաջին հրապարակային ելույթը», «Առաջին հայ ուտոպիստ-սոցիալիստը» (Դ. Դ. Արշարունով) և այլ հոդվածներ:

Մ. Ներսիսյանի ուսումնասիրություններն աչի են ընկնում իրենց ինֆնատիպությամբ, գիտական խորությամբ, փաստական նոր և հարուստ նյութի մատուցմամբ, ճշմարիտ ու օրինալ տեսակետներով: Նրա աշխատությունները նոր լույս են սփռում մեր ժողովրդի պատմության բազմաթիվ կենդոտ հարցերի վրա:

Գիտահետազոտական գործունեության հետ մեկտեղ Ներսիսյանը զբաղվել է նաև ման-

կազմավորված աշխատանքով: Տարիներ շարունակ նա հայ և ՍՍՀՄ ժողովուրդների սրտամուրյուն առարկաներից դասախոսություններ է կարդացել Երևանի Բանֆակում, Կոմհամալսարանում, հայկական և ուսական մանկավարժական ինստիտուտներում, Երևանի պետական համալսարանում, որտեղ մի շարք տարիներ վարել է հայ ժողովրդի պատմության ամբիոնի վարիչի պարտականությունները: Նրա դասախոսությունները օգնել են հազարավոր ուսանողների ձևավորել իրենց աշխարհայացքը: Ներսիսյանը ունեցել է բազմաթիվ ասպիրանտներ, դեկավարել է շատ երիտասարդ պատմաբանների քնննաժողովական և դոկտորական դիսերտացիոն աշխատանքները, մասնակցել է հայ ժողովրդի պատմության դոսագրքերի և գիտամասնագիտական աշխատությունների ստեղծման գործին: Նրա խմբագրությամբ 1972 թ. լույս տեսավ հայ ժողովրդի պատմությունը հնագույն ժամանակներից մինչև մեր օրերը (մեկ հատորով): Վերջերս այն լույս տեսավ նաև ուսուցիչական լեզվով:

Անվանի գիտնականը նաև ակտիվ հասարակական գործիչ է: Նա Երկար տարիներ վարել է պատասխանատու պաշտոններ գիտական և ուսումնական հիմնարկներում: Ներսիսյանը եղել է հանրապետության ակադեմիայի պատմության ինստիտուտի դիրեկտոր, հասարակական գիտությունների բաժանմունիի ակադեմիկոս-ֆուրտուլար, վիցեպրեզիդենտ, գլխավորել է ակադեմիայի խմբագրական հրատարակչական խորհրդի աշխատանքը որպես նրա նախագահ: 1966—1977 թ. աշխատել է Երևանի պետական համալսարանի ռեկտորի պաշտոնում, ավելի քան 28 տարի եղել է ակադեմիայի նախագահության անդամ: Ներսիսյանի նախաձեռնությամբ ու ջանքերով ակադեմիայում կազմակերպվեց արևելագիտության բաժինը, որը հետագայում դարձավ ինստիտուտ, ստեղծվեց «Պատմա-բանասիրական հանդեսը», պետական համալսարանում նիմվեցին արևելագիտության ֆակուլտետը, հայագիտության կենտրոնը, «Երևանի համալսարանի բանբեր», «Երևանի համալսարան» պարբերականները:

Ներսիսյանը մասնակցել է մասնակցում է Հայկական սովետական հանրագիտարանի աշխատանքներին որպես նրա գլխավոր խմբագրության անդամ և հայ ժողովրդի նոր և նորագույն շրջանի պատմության գիտահյուղային խորհրդի նախագահ: Նա միաժամանակ հայ ժողովրդի պատմության բազմահատորյակի գլխավոր խմբագրության անդամ է: Երկար տարիներ նա եղել է սովետա-բուլղարական համամիութենական ընկերության հայկական մասնաճյուղի նախագահը:

Մ. Կ. Ներսիսյանը ՍՄԿԿ անդամ է 1938 թ., մասնակցել է Հայրենական մեծ պատերազմին, ՍՍՀՄ Կերպույն սովետի ղեկավար է եղել 1966—1979 թթ. և ՀՍՀՄ Գերագույն սովետի ղեկավար՝ 1951—1955 թթ., քանիցս ընտրվել է Հայաստանի կոմկուսակցության Երևանի ֆալայային կազմակերպության պլենումի և Կենտրոնական կոմիտեի անդամ, եղել է ՀԿԿ շուրջ եամագումարների պատգամավոր: Նա պարգևատրվել է Լենինի, Աշխատանքային կարմիր դրոշի շքանշաններով և մի շարք մեդալներով, այդ թվում բուլղարական «Գեորգի Գիմիտրով» մեդալով: ՍՍՀՄ Կերպույն սովետի նախագահության 1980 թ. նոյեմբերի 24-ի հրամանագրով նա պարգևատրվեց «Ժողովուրդների բարեկամության» շքանշանով:

Ներկայումս Մ. Ներսիսյանը ՀՍՀՄ ԴԱ նախագահության օրգան «Պատմա-բանասիրական հանդեսի» գլխավոր խմբագիրն է: 22 տարի անընդմեջ, հանդեսի հիմնադրման տարուց (1938 թ.) մինչև այսօր խմբագրում է այդ պարբերականը և նրա ջանքերը մեծ չափով նպաստել են, որ այն դառնա հայագիտական լուրջ, ծանրակշիռ հանդես: Ներսիսյանը միաժամանակ ՀՍՀՄ ԴԱ պատմության ինստիտուտի հայ-ուսական պատմական կապերի բաժնի վարիչն է: Այստեղ նրա ղեկավարությամբ պատրաստվում են մի շարք կարևոր աշխատություններ նվիրված հայ-ուսական հարաբերությունների պատմության կարևոր հարցերին: Պետք է նկատել, որ Ներսիսյանն իր վարած բոլոր պաշտոններում էլ միշտ հանդես է բերել կազմակերպչական ընդունակություն, սկզբունքայնություն և ազնվություն:

Մ. Ներսիսյանի անհանգիստ, պրպտող միտքն այսօր ևս գրադված է նոր հարցերով, նոր խնդիրներով: Բազմազան գիտնականին ցանկանանք առողջություն և նորանոր հաջողություններ իր ստեղծագործական աշխատանքներում:

Պատմ. գիտ. դոկտոր Վ. ՂԱԶՍԽԵՑԱՆ

Պատմ. գիտ. քեկնածու Վ. ՈՍԿԱՆՑԱՆ